

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12076/24
Sarajevo, 6.6.2024. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izvođenje radova na izgradnji zaštitne ograde na zidovima regulacije vodotoka Lepenica i na potpornim zidovima na saobraćajnicama

I

Prihvata se preporuka Komisije za javnu nabavku radova i ugovor u postupku javne nabavke - Izvođenje radova na izgradnji zaštitne ograde na zidovima regulacije vodotoka Lepenica i na potpornim zidovima na saobraćajnicama, broj obavještenja 422-1-3-66-3-95/24 objavljeno na Portalu javnih nabavki BiH dana 25.4.2024.godine i u “Službenom glasniku BiH” – Oglasnik javne nabavke broj 30/24 od 07.5.2024.godine, dodjeljuje se ponuđaču „Sacom” d.o.o. Sarajevo sa ponudom u iznosu od 47.700,00 KM bez PDV-a, odnosno 55.809,00 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj Odlukom broj broj 02/12-19-12076/24 od 23.4.2024.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji zaštitne ograde na zidovima regulacije vodotoka Lepenica i na potpornim zidovima na saobraćajnicama, broj obavještenja 422-1-3-66-3-95/24 objavljeno na Portalu javnih nabavki BiH dana 25.4.2024.godine i u “Službenom glasniku BiH” – Oglasnik javne nabavke broj 30/24 od 07.5.2024.godine. Procijenjena vrijednost za predmetnu nabavku iznosi 47.863,25 KM bez PDV-a, odnosno 56.000,00 KM sa PDV-om

Zapisnikom o otvaranju ponuda od 16.5.2024. godine Komisija je konstatovala da je u predviđenom roku u propisno upakovanim kovertama pristiglo pet (5) ponuda ponuđača:

1. “Buljan Ceste” d.o.o. Kreševo
2. “Mibral” d.o.o. Sarajevo
3. “Dinalsa” d.o.o. Sarajevo
4. “Sacom” d.o.o. Sarajevo
5. konzorcij “Fadž-Company” d.o.o. Sarajevo i “Kolinvest” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je konstatovala da dostavljena ponuda ponuđača „Mibral“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor koji za predmet ugovora ima poslove izrade odbojnih i zaštitnih ograda uz saobraćajnice vrijednosti najmanje 28.000,00 KM sa PDV-om, a tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača kao dokaz da je u protekle tri godine uspješno izvršio najmanje jedan ugovor koji za predmet ugovora ima poslove izrade odbojnih i zaštitnih ograda uz saobraćajnice vrijednosti najmanje 28.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ima poslove izrade odbojnih i zaštitnih ograda uz saobraćajnice vrijednosti najmanje 88.,000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 31. ponude dostavio potvrdu o uredno realiziranom ugovoru koje je izdao Zavod za izgradnju KS broj 03-45-2688/23 od 14.03.2023.godine gdje se navodi da je ponuđač „Mibral“ d.o.o. Sarajevo uspješno izvršio ugovor na „Izvođenju radova na sanaciji klizišta na lokalitetu Mokrine...“ sa ukupnom vrijednošću u iznosu od 203.094,70 KM sa PDV-om.

Obzirom da je navedenom tačkom tenderske dokumentacije utvrđeno da predmet ugovora trebaju biti poslovi izrade odbojnih i zaštitnih ograda uz saobraćajnice Komisija je konstatovala da radovi koji su navedeni u dostavljenoj potvrdi nisu ekvivalentni sa radovima traženim u tenderskoj dokumentaciji u pogledu vrste radova, vrijednosti radova na zaštitnoj ogradni koja nije precizirana u ukupnim građevinskim radovima, te namjene (zaštita saobraćajnice).

Shodno gore navedenom Komisija nije mogla cijeniti dostavljenu potvrdu kao prihvatljivu.

Iz naprijed navedenih razloga utvrđeno je da je ponuda ponuđača „Mibral“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1.a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Dalje Komisija je pristupila analizi i procjeni dostavljene ponude ponuđača „Dinalsa“ d.o.o. Sarajevo te konstatovala da ista ne ispunjava kvalifikacione uslove tražene u tenderskoj dokumentaciji iz tačke 3.4.1.(a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor koji za predmet ugovora poslove izrade odbojnih i zaštitnih ograda uz saobraćajnice vrijednosti najmanje 28.000,00 KM sa PDV-om, a tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača kao dokaz da je u protekle tri godine uspješno izvršio najmanje jedan ugovor koji za predmet ima poslove izrade odbojnih i zaštitnih ograda uz saobraćajnice vrijednosti najmanje 28.,000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ima poslove izrade odbojnih i zaštitnih ograda uz saobraćajnice vrijednosti najmanje 88.,000,00 KM sa PDV-om koju je izdala ugovorna strana - naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 21. ponude dostavio potvrdu o uredno realiziranom ugovoru koju je izdala Općina Novo Sarajevo broj 09-19-4-798/23 od 31.01.2023.godine gdje se navodi da je ponuđač „Dinalsa“ d.o.o. Sarajevo uspješno izvršio ugovor na „Izvođenju radova na izgradnji ograde oko objekta JU OŠ „Hrasno“ sa ukupnom vrijednošću u iznosu od 38.911,52 KM sa PDV-om.

Obzirom da su navedenom tačkom tenderske dokumentacije navedeni poslovi izrade odbojnih i zaštitnih ograda uz saobraćajnice Komisija je konstatovala da radovi koji su navedeni u dostavljenoj potvrdi nisu ekvivalentni sa radovima traženim u tenderskoj dokumentaciji u pogledu vrste, namjene i standarda ograde, te je Komisija nije mogla cijeniti kao prihvatljivu.

Iz naprijed navedenih razloga utvrđeno je da je ponuda ponuđača „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1.a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je pristupila analizi i procjeni dostavljene ponude grupe ponuđača „Fadž-Company“ d.o.o. Sarajevo i „Kolinvest“ d.o.o. Sarajevo te konstatovala da dostavljena ponuda ne ispunjava kvalifikacione uslove tražene u tenderskoj dokumentaciji iz tačke 4.1. – Priprema ponuda gdje stoji da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68.Zakona. Komisija je konstatovala da ponuđač nije pravilno ispunio obrazac za ponudu Anex 2 tj.da nije ispunio podatke za sve članove konzorcija kako je to bio obavezan učiniti u skladu sa tenderskom dokumentacijom, već je upisao podatke samo za jednog člana

konzorcija a u Obrascu za ponudu Aneks 2 stoji da *Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se podatak da je to predstavnik grupe ponuđača.*

Nadalje, vršeći analizu dostavljene ponude Komisija je konstatovala da član konzorcija „Fadž Company“ d.o.o. Sarajevo nije pravilno ispunio Izjavu o ispunjenosti uslova iz člana 45 niti Izjavu iz člana 52 Zakona o javnim nabavkama. U Izjavi o ispunjenosti uslova iz člana 45 ponuđač nije naveo tačan naziv i vrstu postupka kao ni broj Službenog glasnika BiH, dok u Izjavi iz člana 52 Zakona o javnim nabavkama također nije upisan tačan naziv i vrsta postupka, broj Službenog glasnika BiH niti broj obavijesti o javnoj nabavki, a što je ponuđač bio obavezan učiniti.

Iz naprijed navedenih razloga utvrđeno je da je ponuda grupe ponuđača „Fadž-Company“ d.o.o. Sarajevo i „Kolinvest“ d.o.o. Sarajevo ne ispunjava uslove tražene u tenderskoj dokumentaciji iz tačke 4.1. – priprema ponuda te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je pristupila analizi i procjeni dokumentacije preostalih ponuda te konstatovala da dostavljene ponude ponuđača „Buljan Ceste“ d.o.o. Kreševo i „Sacom“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da su ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. „Sacom“ d.o.o. Sarajevo sa ponuđenom cijenom za ugovor u iznosu od 47.700,00 KM bez PDV-a,
2. „Buljan Ceste“ d.o.o. Kreševo sa ponuđenom cijenom za ugovor u iznosu od 47.850,00 KM bez PDV-a

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 31.5.2024. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-66/24 od 31.5.2024.godine, Komisija je utvrdila da nije bilo podnošenja ponuda te da konačna rang lista izgleda kako slijedi:

1. „Sacom“ d.o.o. Sarajevo sa ponuđenom cijenom za ugovor u iznosu od 47.700,00 KM bez PDV-a
2. „Buljan Ceste“ d.o.o. Kreševo sa ponuđenom cijenom za ugovor u iznosu od 47.850,00 KM bez PDV-a

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rješavanje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, šefekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić